

04 NOV 2003

MEGAWATI YAKIN HUBUNGAN INDONESIA-MALAYSIA AKAN TERUS BERKEMBANG

KUALA LUMPUR, 4 Nov (Bernama) -- Presiden Indonesia Megawati Sukarnoputri yakin ikatan persahabatan dan kerjasama erat antara Indonesia dan Malaysia akan terus berkembang di bawah kepemimpinan Perdana Menteri baru Datuk Seri Abdullah Ahmad Badawi.

Katanya, ia bukan hanya bagi kepentingan kedua-dua negara tetapi demi mewujudkan kesejahteraan, mempercepat pertumbuhan ekonomi serta memperkukuhkan kestabilan di Asia Tenggara.

Beliau menyatakan demikian dalam perutusan ucapan selamat kepada Abdullah atas pelantikannya sebagai Perdana Menteri Malaysia kelima ekoran persaraan Tun Dr Mahathir Mohamad, Jumaat lepas.

Megawati berkata beliau gembira menyaksikan semakin eratny hubungan persaudaraan dan kerjasama yang saling menguntungkan antara kedua-dua negara.

Salinan perutusan itu difakskan kepada Bernama oleh Kedutaan Besar Republik Indonesia di sini hari ini.

-- BERNAMA
AZZ AZZ MOZ